

**SIMONIS PAVLI HILSCHERI**

MEDICINAE DOCTORIS ET PROFESSORIS PVBLICI ORDINARI  
h. t. FACVLTATIS MEDICINAE DECANI

**PROLVSIO PRIMA**

DE

**SENSV CORPORIS SANITA-  
TIS CONSERVANDAE ET  
REDINTEGRANDAE  
CONSILIARIO**

PVBLICAE INVITATIONI

AD

DISSERTATIONEM INAVGVRALEM

DE

**SVFFOCATIONE EX MVSTO  
FERMENTANTE**

D. XXVIII. MAII HABENDAM

PRAEMISSA.

---

GENAE D. XXI. MAII M DCC XXIX.

---

GENAE

LITTERIS MVLLERIANIS.

SIMONIS PAVLI MULLSCHERI

MEDICINAE DOCTORIS ET PROFESSORIS PUBLICI ORDINARIJ  
D. C. PABULI MEDICINAE PRAECIPI

PROLVISIO PRIMA

DE

SENSV CORPORIS SANITATE

TIS CONSERVANDAE ET

REDINTTEGRANDAE

CONSILIARIO

PUBLICAE INVITATIONI

AD

DISSELTATIONEM INAVGURALEM

DE

SVETOCCATIONE EX MVSTO

FERMENTANTE

D. XXVIII. MAII. HABENDAM

FRANKFURT.

JENAE D. VII. MAII. MDC. XXIX.

LIBRARI

LITTERIS MVLLESIANIS





Defectus ab omni ævo in arte medica viri recte iudicauere, quod quivis homo, modo sapiens sit, non solum ad corporis sui valetudinem saluam atque integram conseruandam, sed & morbis infirmatam pristino restituendam vigori, propria industria multum conferre possit. Felix vero atque insigne dictum finem consequendi medium est inter alia CORPORIS SENSUS, quemque ob hanc causam, in titulo programmatæ nostræ, *sanitatis conseruandæ & redintegrandæ consiliarium* appellauimus.

Atque idem medium multis seculorum interuallis ante nos HIPPOCRATES, maximus ille medicorum, & hujus scientiæ conditor ac naturæ peritissimus a SENECA *Epistol. XCV.* iudicatus, atque talis pro suorum maxime temporum ratione merito habendus, agnovit. Postquam enim *libro de veteri medicina cap. XV.* de difficultate tum sanis tum ægris convenientem alimentorum quantitatem assignandi, seu victum vel tenuiorem vel pleniorẽ præscribendi disseruit, in fine huius textus inquit: *Oportet autem modum seu dimensionem aliquam coniectare*; Et ab initio sequentis *cap. XVI.* *Dimensionem autem nullam aliam reperies, neque pondus, neque mensuram, cujus intuitu exacta diætæ instituendæ scientia haberi queat, quam CORPORIS SENSVM.* Quis igitur medicorum ad tantî præceptoris aureum monitum nolit *corporis sensum* pro sanitatis consiliario reputare?

Intelligimus vero in genere per hunc, istum a divino Numine nobis inditum satis notabilem sensum, qui de rerum & adionum, quibus vel ad nostrimet ipsius, vel speciei conseruationem



opus habemus, vel indigentia, vel sufficientia, vel abundantia nos admonet, aliaque præclara in morbis obseruanda nobis inspirat consilia.

Primo loco ceu egregium sanitatis consiliarium se gerit *corporis sensus* in determinanda ciborum ac potulentorum quantitate adsumenda, sicut e iam adducto Hippocratis loco maxime elucescit. Quis enim medicorum omnibus hominibus, quorum maxima, ratione ætatis, temperamentorum, vitæ generis, specialis viscerum, chylum sanguinemque conficientium, roboris, nec non transpirationis copiosa, vel minus talis, occurrit differentia, accurate definire poterit, quantum singulis vicibus edere atque bibere ipsorum sanitati conducatur? cum tamen istos corporis sui sensus id optime edoceat. Enim vero quivis fere homo, maxime vero sapiens, quam optime cognoscit, an indigentia alimentorum, seu fami atque siti, per esculenta & potulenta sufficienter fuerit consultum; adeoque harum rerum appetitu infraeto, viribusque resectis, plura alimenta deglutire recusat, licet prandio vel coenæ, dubiis, accumbat, in quibus tot palati occurrant lenocinia.

Quo magis vero hunc corporis sensum sana ratio & experientia in semet ipso facta comitari solent, sicut homines, si homines esse velint, decet; eo excellentior solet ille esse sanitatis consiliarius. Et profecto tales homines videntur exacte intelligere CELSI præceptum *Lib. I. cap. 2. Vbi ad cibum ventum est, nunquam tanta est nimia satietas*; & sensum *aphor. 33. Lib. II. SANCTORII*, quo inquit: *Si sciveris quotidie, quantum cibi tibi conveniat, scies vitam diutissime conservare.* Hoc ipsum vero, e consilio celeberrimi FRIDERICI HOFFMANNI, *Halensis*, quod *Medicin. System. Tom. I. sect. II. cap. 8. in Scholio ad dictum aphorismum* suppleat, indagari potest, quando non ante novus corpori cibus ingeritur, quam priora alimenta probe concocta & foras eliminata fuerint; cuius rei perspicua indicia præbent somnus quietus, feces aluo exclusæ, corporis animique agilitas, leuitas, & ventriculus nullo afflictus incommodo. Si vero contrarium eveniat, tunc certus quis esse potest de ciborum cruditate, ac impendente morbo.

Porro huc usque laudatus corporis sensus de moderanda diætâ pro anni temporum diversitate, saluberrima nobis subministrat consilia. Enim vero tacito quodam corporis stimulo hieme



ad victam copiosorem & crassiore adsumendum, quasi medico plane consilio, adomnemur. Nam cum propter poros cutaneos ab aëre frigidiori, hiberno tempore, magis constrictos, transpiratio e corpore nostro in atmosphæram parcior contingat; contra vero perspiratio interna ventriculi & intestinorum largior succedat, quam verno & æstiuo tempore: ideo cibi copiosiores & crassiores a ventriculi & intestinorum calore atque menstribus, hiberno tempore actiuioribus, eo promptius in chylum atque chylum resolui solent. Nihilominus tamen & corporis nostri sanitati integræ seruandæ, eodem corporis sensu suatore, admodum salutare est, brumali tempore vinum meracius & cerevisiam efficaciorẽ bibere, nec non iusecula atque infusa calida theæ atque caffèæ, vel vegetabilium balsamicorum in frequenti ponere vsu, quo scilicet hac ratione circulus humorum ad corporis externum habitum vegetius promoueat, nec transpiratio ab aëre frigido illi incumbente supprimatur nimis.

Idem etiã *corporis sensus*, nullo vsus præceptore, nos præclare docet, circa veris finem & per æstatem, victui crassiori, ad quem maxime carnes spectant, paulo detrudere, & contra potui copiosiori, temperatori tamen, indulgere, quo per hunc humidum istud serosum, quod magna in copia per poros cutis tunc temporis elabi solet, restituatur, & legitima massæ sanguinæ mixtura, & ex ea resultans temperies conseruetur.

Cumque hoc tempore non propter transpirationem auctam solum, sed & motum sanguinis vtrumque cœlo æstiuo vehementiorem, particulae sanguinis sulphureo-salinæ nimis volatiles fiant, & dominium in massa sanguinea facile acquirant, sicque valetudini corporis nostri valde inimica consurgat intemperies: ideo non adeo obscuro corporis sensu ad esculenta & potulenta acidula, qualia sunt acetaria, variaque huius saporis embammata, nec non decantatus iste e vino, aqua, succo & corticibus citri, saccharoque, lege artis, confectus potus, qui limonada dici solet, adsumenda stimulamur. Enim vero cuncta hæc rite vsurpata alimenta sulphur & sal volatile sanguinis, nimis rarefactum, deprimendi & contemperandi, adeoque corporis nostri temperiem, cœlo feruente, tuendi egregiam vim habent. Atque de variante hac iuxta varietatem temporum anni diata neruose agens *CELSVS Lib. I. cap. 3.* legi meretur.



Verum enim vero licet longe plura mihi suppetant argumenta, quæ sensum corporis, ceu sanitatis conseruandæ & redintegrandæ consiliarium, adstruant; iis tamen adferendis chartarum angustia, quæ eiusmodi prolusionibus de finata esse solet, nullum concedit locum. Quapropter eorum expositionem in proxime futuram differo occasionem, & ad recensionem vitæ & studiorum, invitationemque publicam ad audiendam dissertationem pro Licentia Doctoris gradum obtinendi

Clarissimi & dignissimi Medicinæ Candidati,

**IOANNIS CHRISTOPH. TANNENBERGERI,**  
me conuerto.

Primam lucem aspexit *noſter* die 20. Septembris 1702. in alma hac Musarum sede, habuitque patrem ciuem honestum IOANNEM TANNENBERGERVM, alutarium & tabernarium cellæ senatus oppidani, matrem vero ANNAM, propaginis Fickianæ. Charissimi hi eius parentes omnem adhibuerunt curam, quo *noſtri* animus christianæ religionis fundamentis & iis litteris, quibus ætas infantilis erudiri debet, probe imbueretur. Enim vero cura, quam eius genitor in hunc finem susceperat, admodum immature ipsius morte fuit interrupta, quæ Anno 1707. contigit. In huius vero locum diuina prouidentia breui post constituit FRIDERICVM BENIAMINVM KRIEGCKIVM, academix huius ministrum, officio suo dextre functum, qui instar germani patris intellectum *noſtri* iam vegetum omnibus adornauit auxiliis, ita quidem, ut non solum priuata semper informatione ipsum instrui curaret, sed etiam anno 1717. in cœnobio Regio Ilfeldensi locum ut acquireret, omnes intenderet nervos, in quo per tres annos & dimidium studia, quæ humaniora dici solent, sedulo tractauit sub ductu & consilio clarissimorum Virorum, GEORGII NICOLAI KRIEGCKII, Rectoris ibidem, & patruelis sui, viri de re litteraria egregii meriti, nec non Con-Rectoris, IOANNIS HEINRICI STYSSII, iam Gymnasti Gothani Rectoris.

Studiis Academicis Anno 1721. idoneus iudicatus se in suauissimam academiam patriam conuertit, atque ab illustri viro, CHRISTIANO WILDVOGELIO, Consiliario Saxo-Ilfenacensi Intimo, Facultatis Iuridicæ Seniore ac Antecessore celeberrimo, t. t. fasces Academicos tenente, nunc beato, in numerum studiosorum fuit receptus.



Probe vero cognitum atque perspectum habens *noster*, quam egregius philosophiæ & litterarum græcarum in arte salutari sit usus, seu cui se iam tum mancipauerat, duces & moderatores in his animi exercitamentis elegit sibi celeberrimos & excellentissimos viros, & quidem in Philosophia Prima, Logica & Iure naturæ Dn. IO. IACOBVM SYRBIVM; in mathesi Dn. IO. BERNARDVM WIDEBVRGIVM; in politica Dn. GOTTLIEBIVM STOLLIVM; in Physica tam dogmatica quam experimentalī Dn. HERMANNVM FRIDERICVM TEICHMEYERVM & Dn. GEORGIVM ERHARDVM HAMBERGERVM; in litteratura denique græca Dn. CHRISTIANVM STOCKIVM.

His subsidiis, quæ artem medicam, in se longam & difficilem, breviorē & faciliorem reddere solent, instructus *noster* eam alacriter pertractare incepit, atque in hunc finem Magnificum & famigeratissimum beatæ memoriæ virum Dn. IO. ADRIANVM SLEVOGTIVM, Facultatis nostræ quondam Seniore venerandum, operationes chymicas explicantem & demonstrantem, summo cum studiorum suorum fructu audiuit atque vidit.

Maxima etiam studia sua cepisse incrementa gratus fatetur ex institutione solidissima viri Magnifici & Experientissimi Dn. IO. ADOLPHI WEDELII, iam Senioris Facultatis Medicæ maxime venerabilis, Archiatri & Consilarii Saxonici ac Isenacensis Aulici, nec non praxeos & chymicæ Profess. Ord. celeberrimi; siue idem publice physiologiam, pathologiam, semioticam, diætā, methodum præscribendi formulas atque medendi doceret; siue priuatim in institutiones medicas, chymiam, morbos mulierum & infantum commentaretur.

Immo vero Excellentissimum & Experientissimum Dn. IO. IACOBVM FICKIVM P. P. O. celeberrimum, tria cadauera humana artificiose incidentem, eorumque partes explicantem, nec non prælectiones botanicas, chirurgicas & practico-casuales dextre adornantem, cum magna studiorum suorum accessione vidit & auscultavit.

Porro, cum lato suorum profectuum augmento, indefesso studio sectatus est per vniuersam artis Apollinææ ambitum Excellentissimum & Experientissimum Dn. HERM. FRID. TEICHMEYERVM P. P. O. celeberrimum & Serenissimi ducis Saxo-Isenacensis Consiliarium; Sub cuius etiam præsidio *dissertationem* doctam de elatere sanguinis, a se elaboratam, cum laude defendit, ipsique non ita pridem cada-



ver femininum rite dissecanti, eiusque structuram docte explicanti, spectator & auditor perquam industrius adstitit.

Non minus cum grati animi declaratione commemorari cupit istud studiorum suorum lucrum, quod ex Excellentissimi & Experientissimi Dn. G. E. HAMBERGERI, Med. P. P. extraordin. optime meriti, solidis prælectionibus de usu partium corporis humani, & Experientissimi Dn. D. STÜVENII, nunc beati, acroasibus, circa plerasque fere medicinæ partes institutis, hausit.

Tandem & mihi suum discendi ardorem probavit, quando non de morbis mulierum solum, sed & capitis cognoscendis & curandis, viribus medicamentorum, ac modo eadem concinne præscribendi ac dispensandi, vel diæta, ad vitæ & sanitatis conseruationem rite moderanda, publice præcepi.

His adminiculis in studio medico probe confirmatus ante aliquot menses a facultate nostra petiit, vt numero summorum honorum in arte nostra Candidatorum adscriberetur, & profectus sui consuetis ac priuatis examinibus explorarentur.

Admissus ad eadem a Collegio nostro talem se eidem probavit, vt nullum plane superesset dubium, quin Candidato nostro ad examen publicum, *Dissertationem nempe inauguralem de SVFFOCATIONE EX MVSTO FERMENTANTE* fores aperiremus. Ascendet igitur instante die XXVIII. Maii ordinis nostri cathedram, & sub VMBONE TEICHMEYERIANO dictam dissertationem contra obloquentes masculine, vt plane confidimus, defendet.

Mei circa actum hunc celebrandum est officii, vt Vos, Pro-Rector Magnifice, Illustrissimi Comites, Proceres Academiae Excellentissimi, Hospites omnium ordinum honoratissimi, artiumque cunctarum, in primis vero Apollineæ, studiosi ornatissimi, submisissè, decenter ac officiose rogem, velitis præsentia vestra gratiosa, honorifica atque exoptata actum hunc reddere illustriorem.

P. P. sub Sigillo Facultatis D. XXI. Maii MDCC XXIX.

(L.S.)